

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Ապրիլի 5—8-ը տեղի ունեցավ ՀՍՍՀ ԳԱ տարեկան ընդհանուր ժողովը, որին ներկա էին ընկ. ընկ. Կ. Ս. Դեմիրճյանը, Բ. Ե. Սարգիսովը, Յ. Տ. Սարգսյանը, Պ. Պ. Անիսիմովը, Կ. Լ. Դալլաբյանը, Լ. Ն. Նեմսիսյանը, Հ. Մ. Բաղդասարյանը, Ռ. Ք. Սվեալովան, Յա. Ի. Խաչիկյանը:

Ժողովը բացեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը: Նա նշեց, որ 10-րդ հնգամյակի առաջին տարում հատուկ ուշադրություն է դարձվել գիտական հետազոտությունների արդյունավետության բարձրացման, գիտության ու արտադրության կապի կատարելագործման և ժողովրդական տնտեսության մեջ գիտական նվաճումների արդյունքների ներդրումն արագացնող մի շարք կազմակերպական միջոցառումների իրականացման հարցերին:

Անդրադառնալով ակադեմիայի ստորաբաժանումների գործունեությանը, նա շեշտեց, որ հատկապես նշանակալի է հասարակական գիտությունների ներդրումը: Հասարակագիտական ինստիտուտները հատուկ ուշադրություն են նվիրել Հոկտեմբերյան սոցիալիստական մեծ հեղափոխությանը և Արևելյան Հայաստանը Ռուսաստանին միացնելու տարբեր հարցերի մարքսլենինյան լուսաբանմանը: Վ. Հ. Համբարձումյանը անդրադարձավ նաև ֆիզիկայի, մաթեմատիկայի, մեխանիկայի, աստղաֆիզիկայի, քիմիայի, կենսաբանության և կենսաքիմիայի քննադատական ձեռք բերված նվաճումներին:

Այնուհետև ՀՍՍՀ ԳԱ պրեզիդենտը խոսեց մի շարք գիտական հիմնարկությունների աշխատանքներում տեղ գտած թերությունների մասին, շեշտելով, որ այդ թերություններն անհրաժեշտ է շտապափուլ կերպով վերացնել:

Վ. Հ. Համբարձումյանը խոսեց նաև ՀՍՍՀ ԳԱ առաջին պրեզիդենտի՝ ականավոր գիտնական և հասարակական գործիչ Հ. Ա. Օրբելու գործունեության մասին: Նա Հ. Ա. Օրբելուն բնութագրեց որպես խոշոր գիտնականի, իսկական քաղաքացու և հասարակական ակտիվ գործչի, որի ավանդը չափազանց մեծ է հանրապետու-

թյան գիտությունների ակադեմիայի կազմակերպման և գիտությունների զարգացման գործում:

Ընդհանուր ժողովում Հ. Ա. Օրբելու մասին խոսեց ակադեմիկոս Բ. Բ. Պիտաեովսկի, որը նրան բնորոշեց որպես սովետական գիտության մեծ երախտավորի: Ապա Բ. Բ. Պիտաեովսկին անդրադարձավ մեծ գիտնականի գիտահասարակական անխոնջ գործունեությանը, շեշտելով հատկապես Հ. Ա. Օրբելու մեծ գերը սովետական արևելագիտության զարգացման և մեծ Հայրենականի տարիներին էրմիտաժի և Լենինգրադի ուրիշ թանգարանային հավաքածուների անդնահատելի արժեքները պահպանելու գործում:

Հանրապետության գիտությունների ակադեմիայի 1976 թ. գործունեության հիմնական արդյունքների մասին զեկուցումով հանդես եկավ ՀՍՍՀ ԳԱ գլխավոր գիտնական քարտուղար, ՀՍՍՀ ԳԱ թղթակից անդամ Ս. Ա. Բալդունցը: Նա ասաց, որ 1976 թ. ՀՍՍՀ գիտությունների ակադեմիայի գիտական և գիտակազմակերպական գործունեությունն ընթացել է 10-րդ հնգամյակի առաջին տարի պլանի համապատասխան: Կենսագործելով կուսակցության XXV համագումարի պատմական որոշումները և ՍՄԿԿ Կենտկոմի գլխավոր քարտուղար Լ. Ի. Բրեժնեվի զեկուցման մեջ գիտության և մշակույթի գործիչների առջև դրված խնդիրները, ՀՍՍՀ ԳԱ գիտական հիմնարկների կուլեկտիվները հաշվետու տարում մեծ աշխատանք են կատարել հասարակական, բնական ու տեխնիկական գիտությունների քննադատում: 1976 թ. ակադեմիայի գիտական հիմնարկներում մշակվել են 154 պրոբլեմներ, ըստ որում, պլանավորված աշխատանքները հաջողությամբ են կատարվել:

Ակադեմիայի նախագահությունը և հիմնարկները մեծ ուշադրություն են նվիրել գիտական հաղորդումների քննարկմանը, վերադաս մարմինների որոշումների կենսագործմանն ուղղված հանձնարարականների մշակմանը: Հաշվետու տարում, ասաց զեկուցողը, գիտությունների

ակադեմիայի նախագահության բաժանմունքների և գիտական կոլեկտիվների աշխատանքում տեղ են գրավել գիտության և արտադրության կապի զարգացման, գիտության նվաճումներն արտադրության մեջ ներդնելու հարցերը:

Այնուհետև Ս. Ա. Բակունցի ղեկավարած շուրջ ծավալվեց մտքերի փոխանակություն, որին մասնակցեցին ՀՍՍՀ ԳԱ ակադեմիկոսներ Գ. Ս. Դավթյանը, Բ. Ն. Առաքելյանը, ակադեմիայի փոխպրեզիդենտ Է. Հ. Միրզաբեկյանը, ՍՍՀՄ ԳԱ թղթակից անդամ Ա. Ի. Ալիխանյանը, ՀՍՍՀ ԳԱ թղթակից անդամներ Ա. Բ. Բաղդասարյանը և Գ. Խ. Սարգսյանը: Նրանք խոսեցին հանրապետության գիտությունների ակադեմիայի առջև ծառացած խնդիրների, ձեռք բերված հաջողությունների և ՀՍՍՀ ԳԱ աշխատանքներում եղած թերությունների մասին:

Ընդհանուր ժողովում հանձնվեցին ՀՍՍՀ գիտությունների ակադեմիայի պարզեցումը, Գիտությանը մատուցած մեծ ծառայությունների համար «Մեծարման գիրք» ստացավ ակադեմիկոս Բ. Ռ. Պրաւորադնիկին: Գիտական բազմամյա բեղմնավոր գործունեության համար «Վաստակագրում» պարգևատրվեցին ՀՍՍՀ ԳԱ ակադեմիկոս Մ. Գ. Մանվելյանը, ՀՍՍՀ ԳԱ թղթակից անդամներ Է. Հ. Դավթյանը, Ռ. Վ. Զաւյանը, տեխնիկական գիտությունների թեկնածու Ա. Մ. Մալախյանը:

1976 թ. արժեքավոր գիտական հետազոտություններ կատարած և պրակտիկայում մշակումների արմատավորմանը մասնակցած մի մեծ խումբ գիտնականներ արժանացան «Գովնաստագրի» նրանց թվում էին նաև «Հայ ժողովրդի պատմության» բազմահատորյակի III հատորի մի շարք հեղինակներ:

Ժողովում «Պերօքսիդների կատալիտիկ օդաչիկալների քայքայման մեխանիզմը» ղեկավարած հանդես եկավ ՀՍՍՀ ԳԱ ակադեմիկոս Ա. Բ. Նալբանդյանը:

ՀՍՍՀ ԳԱ ակադեմիկոս Հ. Գ. Մալախյանի ղեկավարած Նվիրված էր Հայկական ՍՍՀ ընդերքի հարստությունների բացահայտման գործում գիտական կանխատեսման դերին:

ՀՍՍՀ ԳԱ ընդհանուր ժողովի հզորակիչ նիստում Հայկական ՍՍՀ գիտությունների ակա-

դեմիայի փոխպրեզիդենտներ ընտրվեցին ՀՍՍՀ ԳԱ ակադեմիկոսներ Ս. Ա. Համբարձումյանը, Ա. Ռ. Հովհաննիսյանը: Գիտությունների ակադեմիայի նախագահության գլխավոր գիտնական-քարտուղար ընտրվեց հանրապետության գիտությունների ակադեմիայի թղթակից անդամ Ս. Ա. Բակունցը:

Ակադեմիայի ֆիզիկա-մաթեմատիկական գիտությունների բաժանմունքի ակադեմիկոս քարտուղար ընտրվեց Գ. Մ. Ղաբրյանը, ֆիզիկատեխնիկական գիտությունների և մեխանիկայի բաժանմունքի ակադեմիկոս քարտուղարի պաշտոնակատար՝ հանրապետության գիտությունների ակադեմիայի թղթակից անդամ Հ. Տ. Աղաբաբյանը, քիմիական գիտությունների բաժանմունքի ակադեմիկոս քարտուղար՝ Ա. Բ. Նալբանդյանը, նրկրի մասին գիտության բաժանմունքի ակադեմիկոս քարտուղար՝ Հ. Գ. Մալախյանը, կենսաբանական գիտությունների բաժանմունքի ակադեմիկոս քարտուղար՝ Վ. Հ. Ղազարյանը: Տեղի ունեցան նաև Հայկական ՍՍՀ գիտությունների ակադեմիայի իսկական անդամների (ակադեմիկոսների) և թղթակից անդամների ընտրություններ:

Ակադեմիայի իսկական անդամներ ընտրվեցին Հ. Հ. Վարդապետյանը (ֆիզիկայի գծով), Ֆ. Տ. Սարգսյանը (կառավարման պրոցեսների գծով), Ս. Հ. Վարդանյանը (քիմիայի գծով), Ա. Տ. Ղազարյանը (գրականության գծով):

Ակադեմիայի թղթակից անդամներ ընտրվեցին Մ. Ե. Մովսեսյանը (ֆիզիկայի գծով), Ռ. Ռ. Վարդանյանը (կառավարման տեսության գծով), Ա. Մ. Պրաւորադնյանը (ատոմային էներգետիկայի գծով), Կ. Ա. Կոստանյանը (քիմիայի գծով), Ս. Գ. Մովսեսյանը (քիմիայի գծով), Գ. Ե. Տեր-Ստեփանյանը (երկրաբանության գծով), Է. Ս. Գաբրիելյանը (գեղաբանության գծով), Ս. Փ. Ավդալբեկյանը (բժշկության գծով), Մ. Խ. Փոքրանյանը (տնտեսագիտության գծով), Ա. Ա. Արաքունյանը (լեզվաբանության գծով):

Հայկական ՍՍՀ գիտությունների ակադեմիայի տարեկան ժողովի արդյունքներն ամփոփեց հանրապետության գիտությունների ակադեմիայի պրեզիդենտ Վ. Հ. Համբարձումյանը:

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆԵՐԻ ՏԱՐԵԿԱՆ ԺՈՂՈՎՈՐ

Ապրիլի 4-ին տեղի ունեցավ ՀՍՍՀ գիտությունների ակադեմիայի հասարակական գիտությունների բաժանմունքի տարեկան ժողովը: Բաժանմունքի գիտական հիմնարկների 1976 թ. կատարած աշխատանքների մասին ղեկավարումով

հանդես եկավ հասարակական գիտությունների բաժանմունքի ակադեմիկոս քարտուղար, ՀՍՍՀ ԳԱ ակադեմիկոս Մ. Պ. Աղաբաբյանը: Նա ասաց, որ հաշվետու տարում՝ բաժանմունքի գործունեությունը ընթացել է՝ ՍՄԿԿՄ, XXV համագումարի

որոշումների կենսագործման ոգով: Բոլոր ինստիտուտների գիտական կոլեկտիվներն ու կուսակցական կազմակերպությունները քննարկել են համագումարի որոշումները և կոնկրետ միջոցառումներ մշակել գիտական աշխատանքների որակը և զաղափարական մակարդակը բարձրացնելու վերաբերյալ:

Բաժանմունքը և ինստիտուտները լուրջ ուշադրություն են դարձրել նաև գիտակազմակերպչական աշխատանքներին, առաջնորդելով ՀԿԿ XXVI համագումարի, ՀԿԿ Կենտկոմի պլենումների և հատկապես զաղափարական հարցերին նվիրված 1976 թ. մայիսյան պլենումի որոշումներով: Մ. Պ. Աղայանը նշեց, որ «Հոկտեմբերյան սոցիալիստական մեծ հեղափոխության 60-ամյակի մասին» ՍՄԿԿ Կենտկոմի որոշումը նոր կարևոր խնդիրներ է դնում հասարակական գիտությունների առջև և դարձել է բաժանմունքի գիտական հիմնարկների գործունեության հիմնաքարը:

Այնուհետև զեկուցողն անդրադարձավ բաժանմունքի բյուրոյի և ինստիտուտների աշխատանքների արդյունքներին և հայտնեց, որ ձեռք են բերվել զգալի հաջողություններ:

Մ. Պ. Աղայանը նշեց, որ հաջողությունների կողքին գիտահետազոտական պլանների ու թեմաների կատարման, կոորդինացիոն աշխատանքների, գիտական կադրերի պատրաստման և այլ բնագավառներում կան շուտափույթ վերացում պահանջող որոշ թերություններ:

Վերջում զեկուցողը նշեց, որ 1977 թ. պետք է ավելի մեծ եռանդով աշխատել հանուն սովետական գիտության հետագա զարգացման և աստաշենթացի, հանուն մեր երկրի հետագա

բարգավաճման ու հզորացման, հանուն ՍՄԿԿ XXV համագումարի որոշումների անթերի կատարման:

Ջեկուցման շուրջը ծավալվեց մտքերի փոխանակություն, որին մասնակցեցին ՀՍՍՀ ԳԱ ակադեմիկոսներ Ս. Տ. Երեմյանը և Գ. Բ. Ղարիբջանյանը:

Ս. Տ. Երեմյանը պաշտպանեց դրականության և արվեստի ու Հայաստանի պատմության թանգարանները ակադեմիայի սիստեմի մեջ մտցնելու առաջարկը:

Գ. Բ. Ղարիբջանյանն արծարծեց հայ-ռուսական հարաբերությունների ֆոնի վրա առաջին համաշխարհային պատերազմի տարիներին հայկական կամավորական շարժման և Բաթլի կոմունայի պատմության հարցերը գիտական նոր տեսանկյունից լուսաբանելու կարևորությունը:

Մտքերի փոխանակությանը մասնակցողները խոսեցին նաև հասարակական գիտությունների բաժանմունքի բազայի վրա երկու ինքնուրույն բաժանմունքների ստեղծման անհրաժեշտության մասին: Նրանք ընդգծեցին, որ դա հասունացած հարց է, որին հարկավոր է մոտենալ գիտականորեն:

Ժողովում գիտական զեկուցումներով հանդես եկան ՀՍՍՀ ԳԱ ակադեմիկոս Գ. Բ. Ջաճուկյանը և ՀՍՍՀ ԳԱ թղթակից անդամ Գ. Խ. Սարգսյանը:

Գ. Բ. Ջաճուկյանը զեկուցեց «Կիմերների և կիմերական լեզվի պրոբլեմը արդի գիտության մեջ» թեմայով:

Գ. Խ. Սարգսյանի զեկուցումը նվիրված էր Հին Հայաստանի վարչատարածքային բաժանմանը: